

武昌醫館叢書

傷寒論目錄

卷第一

辨脈法

平脈法

卷第二

傷寒例

辨痙濕暍脈證

辨太陽病脈證并治上

卷第三

辨太陽病脈證并治中

卷第四

辨太陽病脉證并治下

卷第五

辨陽明病脉證并治

辨少陽病脉證并治

卷第六

辨太陰病脉證并治

辨少陰病脉證并治

辨厥陰病脉證并治

卷第七

辨霍亂病脉證并治

辨陰陽易差後勞復病脉證并治

辨不可發汗病脉證并治

辨可發汗病脉證并治

卷第八

辨發汗後病脉證并治

辨不可吐

辨可吐

卷第九

辨不可下病脉證并治

辨可下病脉證并治

卷第十

辨發汗吐下後病脉證并治

傷寒論目錄

傷寒論卷第八

漢 張仲景述 晉 王叔和撰次

辨發汗後病脉證并治第十七

辨不可吐第十八 辨可吐第十九

辨發汗後病脉證并治第十七 合二十五法方二十四首

太陽病發汗遂漏不止惡風小便難四肢急難

以屈伸者屬桂枝加附子湯第一 六味前有八病證

太陽病服桂枝湯煩不解先刺風池風府却與

桂枝湯第二 五味

服桂枝湯汗出脉洪大者與桂枝湯若形似瘧

一日再發者屬桂枝二麻黃一湯第三 七味

服桂枝湯汗出後煩渴不解脉洪大者屬白虎

加人參湯第四 五味

傷寒脉浮自汗出小便數心煩惡寒脚攣急與

桂枝攻表得之便厥咽乾煩躁吐逆作甘草乾

薑湯厥愈更作芍藥甘草湯其脚即伸若胃氣

不和與調胃承氣湯若重發汗加燒針者與四

逆湯第五 甘草乾薑湯芍藥甘草湯並二
味調胃承氣湯四逆湯並三味

太陽病脉浮緊無汗發熱身疼八九日不解服

湯已發煩必衄宜麻黃湯第六 四味

傷寒發汗已解半日復煩脉浮數者屬桂枝湯

證第七

用前方

發汗後身疼脉沈遲者屬桂枝加芍藥生薑各

一兩人參三兩新加湯第八

六味

發汗後不可行桂枝湯汗出而喘無大熱者可

與麻黃杏子甘草石膏湯第九

四味

發汗過多其人叉手自冒心心下悸欲得按者

屬桂枝甘草湯第十二

二味

發汗後齊下悸欲作奔豚屬茯苓桂枝甘草大

棗湯第十一

四味甘爛水法附

發汗後腹脹滿者屬厚朴生薑半夏甘草人參

湯第十二 五味

發汗病不解反惡寒者虛也屬芍藥甘草附子

湯第十三 三味

發汗後不惡寒但熱者實也當和胃氣屬調胃

承氣湯證十四 用前第五方

太陽病發汗後大汗出胃中乾煩躁不得眠若

脉浮小便不利渴者屬五苓散第十五 五味

發汗已脉浮數煩渴者屬五苓散證第十六 用前

第十
五方

傷寒汗出而渴者宜五苓散不渴者屬茯苓甘

草湯第十七 四味

太陽病發汗不解發熱心悸頭眩身瞤動欲擗

一作地者屬真武湯第十八 五味

傷寒汗出解之後胃中不和心下痞乾噫腹中

雷鳴下利者屬生薑瀉心湯第十九 八味

傷寒汗出不解心中痞嘔吐下利者屬大茈胡

湯第二十八 八味

陽明病自汗若發其汗小便自利雖鞭不可攻
須自欲大便宜蜜煎若土瓜根豬膽汁為導第

二十一

蜜煎一味 豬膽方二味

太陽病三日發汗不解蒸蒸發熱者屬調胃承

氣湯證第二十二

用前方第五

大汗出熱不去內拘急四肢疼又下利厥逆惡

寒者屬四逆湯證第二十三

用前方第五

發汗後不解腹滿痛者急下之宜大承氣湯第

二十四

四味

發汗多亡陽譫語者不可下與茈胡桂枝湯和

其榮衛後自愈第二十五

九味

二陽併病太陽初得病時發其汗汗先出不徹因

轉屬陽明續自微汗出不惡寒若太陽病證不罷者不可下下之爲逆如此可小發汗設面色緣緣正赤者陽氣怫鬱在表當解之熏之若發汗不徹不足言陽氣怫鬱不得越當汗不汗其人煩躁不知痛處乍在腹中乍在四肢按之不可得其人短氣但坐以汗出不徹故也更發汗則愈何以知汗出不徹以脉濇故知也

未持脉時病人叉手自冒心師因教試令欬而不即欬者此必兩耳聾無聞也所以然者以重發汗虛故如此

發汗後飲水多必喘以水灌之亦喘

發汗後水藥不得入口爲逆若更發汗必吐下不止

陽明病本自汗出醫更重發汗病已差尚微煩不了了者必大便鞭故也以亡津液胃中乾燥故令大便鞭當問小便日幾行若本小便日三四行今日再行故知大便不久出今爲小便數少以津液當還入胃中故知不久必大便也

發汗多若重發汗者亡其陽讖語脉短者死脉自和者不死

傷寒發汗已身目為黃所以然者以寒濕中求之溫一作在

裏不解故也以為不可下也於寒濕中求之

病人有寒復發汗胃中冷必吐衄

太陽病發汗遂漏不止其人惡風小便難四肢微

急難以屈伸者屬桂枝加附子湯方一

桂枝三兩 去皮

芍藥三兩

甘草二兩 炙

生薑三兩 切

大棗十二枚 擘

附子一枚 炮

右六味以水七升煮取三升去滓溫服一升本

云桂枝湯今加附子

太陽病初服桂枝湯反煩不解者先刺風池風府

却與桂枝湯則愈方二

桂枝三兩
去皮

芍藥三兩

生薑三兩
切

甘草二兩
炙

大棗十二
枚擘

右五味以水七升煮取三升去滓温服一升須

臾啜熱稀粥一升以助藥力

服桂枝湯大汗出脉洪大者與桂枝湯如前法若

形似瘧一日再發者汗出必解屬桂枝二麻黃一

湯方三

桂枝一兩
七銖

芍藥一兩
六銖

麻黃一兩
六銖去節

生薑一兩
六銖

杏仁十六箇
去皮尖

甘草一兩
二銖炙

大棗五枚

右七味以水五升先煮麻黃一二沸去上沫內

諸藥煮取二升去滓溫服一升日再服本云桂

枝湯二分麻黃湯一分合為二升分再服今合

為一方

服桂枝湯大汗出後大煩渴不解脈洪大者屬白

虎加人參湯方四

知母六兩

石膏一斤碎

甘草二兩

粳米六合

人參二兩

右五味以水一斗煮米熟湯成去滓溫服一升

日三服

傷寒脉浮自汗出小便數心煩微惡寒脚攣急反
與桂枝欲攻其表此誤也得之便厥咽中乾煩躁
吐逆者作甘草乾薑湯與之以復其陽若厥愈足
溫者更作芍藥甘草湯與之其脚即伸若胃氣不
和讞語者少與調胃承氣湯若重發汗復加燒針
者與四逆湯五

甘草乾薑湯方

甘草

四兩
炙

乾薑

二兩

右二味以水三升煮取一升五合去滓分溫再

服

芍藥甘草湯方

白芍藥 四兩

甘草 四兩

右二味以水三升煮取一升五合去滓分温再服

調胃承氣湯方

大黃 四兩去皮 甘草 二兩

芒消 半升

右三味以水三升煮取一升去滓內芒消更上微火煮令沸少少温服之

四逆湯方

甘草 二兩 炙

乾薑 一兩 半

附子 一枚 生用 去皮 破八片

右三味以水三升煮取一升二合去滓分温再服强人可大附子一枚乾薑三兩

太陽病脉浮緊無汗發熱身疼痛八九日不解表證仍在此當復發汗服湯已微除其人發煩目瞑劇者必衄衄乃解所以然者陽氣重故也宜麻黃湯方六

麻黃 三兩 去節

桂枝 二兩 去皮

甘草 一兩 炙

杏仁 七十箇 去皮尖

右四味以水九升先煮麻黃減二升去上沫内

諸藥煮取二升半去滓溫服八合覆取微似汗
不須啜粥

傷寒發汗已解半日許復煩脉浮數者可更發汗

屬桂枝湯證七

用前第二方

發汗後身疼痛脉沈遲者屬桂枝加芍藥生薑各
一兩人參三兩新加湯方八

桂枝

三兩
去皮

芍藥

四兩

生薑

四兩

甘草

二兩
炙

人參

三兩

大棗

十二
枚擘

右六味以水一斗二升煮取三升去滓溫服一
升本云桂枝湯今加芍藥生薑人參

發汗後不可更行桂枝湯汗出而喘無大熱者可與麻黃杏子甘草石膏湯方九

麻黃

四兩去節

杏仁

五十箇去皮尖

甘草

二兩炙

石膏

半斤碎

右四味以水七升先煮麻黃減二升去上沫內

諸藥煮取二升去滓溫服一升本云黃耳杯

發汗過多其人叉手自冒心心下悸欲得按者屬

桂枝甘草湯方十

桂枝

二兩去皮

甘草

二兩炙

右二味以水三升煮取一升去滓頓服

發汗後其人齊下悸者欲作奔豚屬茯苓桂枝甘草大棗湯方十一

茯苓 半斤

桂枝 四兩 去皮

甘草 一兩 炙

大棗 十五枚 擘

右四味以甘爛水一斗先煮茯苓減二升內諸藥煮取三升去滓溫服一升日三服

作甘爛水法取水二斗置大盆內以杓揚之水
上有珠子五六千顆相逐取用之

發汗後腹脹滿者屬厚朴生薑半夏甘草人參湯

方十二

厚朴半斤

生薑半斤

半夏半升

甘草二兩

人參一兩

右五味以水一斗煮取三升去滓温服一升日

三服

發汗病不解反惡寒者虛故也屬芍藥甘草附子

湯方十三

芍藥三兩

甘草三兩

附子一枚炮去皮破六片

右三味以水三升煮取一升二合去滓分温三

服疑非仲景方

發汗後惡寒者虛故也不惡寒但熱者實也當和

胃氣屬調胃承氣湯證十四

用前第五方
法用小承氣湯

太陽病發汗後大汗出胃中乾煩躁不得眠欲得
飲水者少少與飲之令胃氣和則愈若脉浮小便
不利微熱消渴者屬五苓散方十五

豬苓

十八銖
去皮

澤瀉

一兩
六銖

白朮

十八銖

茯苓

十八銖

桂枝

半兩
去皮

右五味搗為散以白飲和服方寸匕日三服多

飲煖水汗出愈

發汗已脉浮數煩渴者屬五苓散證十六

用前第十五方

傷寒汗出而渴者宜五苓散不渴者屬茯苓甘草

湯方十七

茯苓 二兩 桂枝 二兩 甘草 一兩 生薑 一兩

右四味以水四升煮取二升去滓分温三服

太陽病發汗汗出不解其人仍發熱心下悸頭眩

身瞤動振振欲擗 一作僻 地者屬真武湯方十八

茯苓 三兩 芍藥 三兩 生薑 三兩

附子 一枚炮去皮破八片 白朮 二兩

右五味以水八升煮取三升去滓温服七合日

三服

傷寒汗出解之後胃中不和心下痞鞭乾噫食臭

脅下有水氣腹中雷鳴下利者屬生薑瀉心湯方

十九

生薑

四兩

甘草

炙三兩

人參

三兩

乾薑

一兩

黃芩

三兩

半夏

洗半升

黃連

一兩

大棗

十二枚擘

右八味以水一斗煮取六升去滓再煎取三升

溫服一升日三服生薑瀉心湯本云理中人參

黃芩湯去桂枝木加黃連并瀉肝法

傷寒發熱汗出不解心中痞鞭嘔吐而下利者屬

大芫胡湯方二十

茈胡 半斤

枳實 四枚

生薑 五兩

黃芩 三兩

芍藥 三兩

半夏 半升

大棗 十二枚

擘

右七味以水一斗二升煮取六升去滓再煎取三升溫服一升日三服一方加大黃二兩若不加恐不名大茈胡湯

陽明病自汗出若發汗小便自利者此為津液內竭雖鞭不可攻之須自欲大便宜蜜煎導而通之若土瓜根及大豬膽汁皆可為導二十一

蜜煎方

食蜜 七合

右一味於銅器內微火煎當須凝如飴狀攪之勿令焦著欲可丸併手捻作挺令頭銳大如指許長二寸當熱時急作冷則鞭以內穀道中以手急抱欲大便時乃去之疑非仲景意已試甚良

又大豬膽一枚瀉汁和少許法醋以灌穀道內如一食頃當大便出宿食惡物甚效

太陽病三日發汗不解蒸蒸發熱者屬胃也屬調

胃承氣湯證二十二

用前第五方

大汗出熱不去內拘急四肢疼又下利厥逆而惡

寒者屬四逆湯證二十三

用前第五方

發汗後不解腹滿痛者急下之宜大承氣湯方二

十四

大黃

四兩酒洗

厚朴

半斤炙

枳實

五枚炙

芒消

三合

右四味以水一斗先煮二物取五升內大黃更

煮取二升去滓內芒消更一二沸分再服得利

者止後服

發汗多亡陽譫語者不可下與茈胡桂枝湯和其

榮衛以通津液後自愈方二十五

茈胡 四兩

桂枝 一兩半 去皮

黃芩 一兩半

芍藥 一兩半

生薑 一兩半

大棗 六箇 擘

人參 一兩半

半夏 二合半 洗

甘草 一兩 炙

右九味以水六升煮取三升去滓温服一升日

三服

辨不可吐第十八 證合四

太陽病當惡寒發熱今自汗出反不惡寒發熱關
上脉細數者以醫吐之過也若得病一二日吐之
者腹中飢口不能食三四日吐之者不喜糜粥欲

食冷食朝食暮吐以醫吐之所致也此爲小逆
太陽病吐之但太陽病當惡寒今反不惡寒不欲
近衣者此爲吐之內煩也

少陰病飲食入口則吐心中溫溫欲吐復不能吐
始得之手足寒脉弦遲者此胃中實不可下也若
膈上有寒飲乾嘔者不可吐也當溫之
諸四逆厥者不可吐之虛家亦然

辨可吐第十九

合二法
五證

大法春宜吐

凡用吐湯中病便止不必盡劑也

病如桂枝證頭不痛項不强寸脉微浮曾中痞鞭
氣上撞咽喉不得息者此為有寒當吐之

一云此
以內有

久痰宜
吐之

病曾上諸實

寒一作

曾中鬱鬱而痛不能食欲使人

按之而反有涎唾下利日十餘行其脉反遲寸口
脉微滑此可吐之吐之利則止

少陰病飲食入口則吐心中温温欲吐復不能吐
者宜吐之

宿食在上管者當吐之

病手足逆冷脉乍結以客氣在曾中心下滿而煩

欲食不能食者病在胃中當吐之

傷寒論卷第八

傷寒論卷第九

漢 張仲景述 晉 王叔和撰次

辨不可下病脉證并治第二十

辨可下病脉證并治第二十一

辨不可下病脉證并治第二十二 合四法 方六首

陽明病潮熱大便微鞭與大承氣湯若不大便

六七日恐有燥屎與小承氣湯和之第一 大承氣四

味小承氣三味 前有四十病證

傷寒中風反下之心下痞醫復下之痞益甚屬

甘草瀉心湯第二 六味

下利脉大者虛也以强下之也設脉浮革腸鳴

者屬當歸四逆湯第三

七味下有陽明病二證

陽明病汗自出若發汗小便利津液內竭雖鞭

不可攻須自大便宜蜜煎若土瓜根豬膽汁導

之第四

蜜煎一味豬膽汁二味

脉濡而弱弱反在關濡反在巔微反在上瀼反在下微則陽氣不足瀼則無血陽氣反微中風汗出而反躁煩瀼則無血厥而且寒陽微則不可下下之則心下痞鞭

動氣在右不可下下之則津液內竭咽燥鼻乾頭

眩心悸也

動氣在左不可下下之則腹內拘急食不下動氣更劇雖有身熱臥則欲蹇

動氣在上不可下下之則掌握熱煩身上浮冷熱汗自泄欲得水自灌

動氣在下不可下下之則腹脹滿卒起頭眩食則下清穀心下痞也

咽中閉塞不可下下之則上輕下重水漿不下臥則欲蹇身急痛下利日數十行

諸外實者不可下下之則發微熱亡脉厥者當齊

握熱

諸虛者不可下下之則大渴求水者易愈惡水者劇

脉濡而弱弱反在關濡反在巔弦反在上微反在下弦爲陽運微爲陰寒上實下虛意欲得溫微弦爲虛虛者不可下也微則爲欬欬則吐涎下之則欬止而利因不休利不休則胃中如蟲齧粥入則出小便不利兩脅拘急喘息爲難頸背相引臂則不仁極寒反汗出身冷若冰眼睛不慧語言不休而穀氣多入此爲除中亦云消中口雖欲言舌不得前

脉濡而弱弱反在關濡反在顛浮反在上數反在下浮爲陽虛數爲無血浮爲虛數生熱浮爲虛自汗出而惡寒數爲痛振而寒慄微弱在關曾下爲急喘汗而不得呼吸呼吸之中痛在於脅振寒相搏形如瘡狀醫反下之故令脉數發熱狂走見鬼心下爲痞小便淋漓少腹甚鞭小便則尿血也

脉濡而緊濡則衛氣微緊則榮中寒陽微衛中風發熱而惡寒榮緊胃氣冷微嘔心內煩醫謂有大熱解肌而發汗亡陽虛煩躁心下苦痞堅表裏俱虛竭卒起而頭眩客熱在皮膚悵快不得眠不知

胃氣冷緊寒在關元技巧無所施汲水灌其身客
熱應時罷慄慄而振寒重被而覆之汗出而冒顛
體惕而又振小便爲微難寒氣因水發清穀不容
聞嘔變反腸出顛倒不得安手足爲微逆身冷而
內煩遲欲從後救安可復追還

脉浮而大浮爲氣實大爲血虛血虛爲無陰孤陽
獨下陰部者小便當赤而難胞中當虛今反小便
利而大汗出法應衛家當微今反更實津液四射
榮竭血盡乾煩而不眠血薄肉消而成暴一云液
醫復以毒藥攻其胃此爲重虛客陽去有期必下

如汗泥而死

脉浮而緊浮則爲風緊則爲寒風則傷衛寒則傷榮榮衛俱病骨節煩疼當發其汗而不可下也

跌陽脉遲而緩胃氣如經也跌陽脉浮而數浮則傷胃數則動脾此非本病醫特下之所爲也榮衛內陷其數先微脉反但浮其人必大便鞭氣噫而除何以言之本以數脉動脾其數先微故知脾氣不治大便鞭氣噫而除今脉反浮其數改微邪氣獨留心中則飢邪熱不殺穀潮熱發渴數脉當遲緩脉因前後度數如法病者則飢數脉不時則生

惡瘡也

脉數者久數不止止則邪結正氣不能復正氣却結於藏故邪氣浮之與皮毛相得脉數者不可下下之必煩利不止

少陰病脉微不可發汗亡陽故也陽已虛尺中弱瀉者復不可下之

脉浮大應發汗醫反下之此爲大逆也

脉浮而大心下反鞭有熱屬藏者攻之不令發汗屬府者不令溲數溲數則大便鞭汗多則熱愈汗少則便難脉遲尚未可攻

二陽併病太陽初得病時而發其汗汗先出不徹
因轉屬陽明續自微汗出不惡寒若太陽證不罷
者不可下下之爲逆

結胸證脉浮大者不可下下之即死

太陽與陽明合病喘而胸滿者不可下

太陽與少陽合病者心下鞭頸項強而眩者不可
下

諸四逆厥者不可下之虛家亦然

病欲吐者不可下

太陽病有外證未解不可下下之爲逆

言九
五
病發於陽而反下之熱入因作結胃病發於陰而
反下之因作痞

病脉浮而緊而復下之緊反入裏則作痞

夫病陽多者熱下之則鞭

本虛攻其熱必噦

無陽陰强大便鞭者下之必清穀腹滿

太陰之爲病腹滿而吐食不下自利益甚時腹自
痛下之必胃下結鞭

厥陰之爲病消渴氣上撞心中疼熱飢而不欲
食食則吐衄下之利不止

少陰病飲食入口則吐心中溫溫欲吐復不能吐始得之手足寒脉弦遲者此胃中實不可下也

傷寒五六日不結胃腹濡脉虛復厥者不可下此亡血下之死

傷寒發熱頭痛微汗出發汗則不識人熏之則喘不得小便心腹滿下之則短氣小便難頭痛背強加溫針則衄

傷寒脉陰陽俱緊惡寒發熱則脉欲厥厥者脉初來大漸漸小更來漸大是其候也如此者惡寒甚者翕翕汗出喉中痛若熱多者目赤脉多睛不慧

不可與之若不大便六七日恐有燥屎欲知之法
少與小承氣湯湯入腹中轉失氣者此有燥屎也
乃可攻之若不轉失氣者此但初頭鞭後必澹不
可攻之攻之必脹滿不能食也欲飲水者與水則
噦其後發熱者大便必復鞭而少也宜小承氣湯
和之不轉失氣者慎不可攻也大承氣湯方一

大黃

四兩

厚朴

八兩

枳實

五枚

芒消

三合

右四味以水一斗先煮二味取五升下大黃煮
取二升去滓下芒消再煮一二沸分二服利則
止後服

小承氣湯方

大黃

四兩
酒洗

厚朴

二兩
炙
去皮

枳實

三枚
炙

右三味以水四升煮取一升二合去滓分温再

服

傷寒中風醫反下之其人下利日數十行穀不化
腹中雷鳴心下痞鞭而滿乾嘔心煩不得安醫見
心下痞謂病不盡復下之其痞益甚此非結熱但
以胃中虛客氣上逆故使鞭也屬甘草瀉心湯方
二

甘草

四兩
炙

黃芩

三兩

乾薑

三兩

大棗

十二枚擘

半夏

半升洗

黃連

一兩

右六味以水一斗煮取六升去滓再煎取三升

溫服一升日三服

有人參見第四卷中

下利脉大者虛也以強下之故也設脉浮革因爾

腸鳴者屬當歸四逆湯方三

當歸 二兩

桂枝 三兩 去皮

細辛 三兩

甘草 二兩 炙

通草 二兩

芍藥 三兩

大棗 二十五枚擘

右七味以水八升煮取三升去滓溫服一升半

日三服

陽明病身合色赤不可攻之必發熱色黃者小便不利也

陽明病心下鞭滿者不可攻之攻之利遂不止者死利止者愈

陽明病自汗出若發汗小便自利者此爲津液內竭雖鞭不可攻之須自欲大便宜蜜煎導而通之若土瓜根及豬膽汁皆可爲導方四

食蜜

七合

右一味於銅器內微火煎當須凝如飴狀攪之勿令焦著欲可丸併手捻作挺令頭銳大如指

長二寸許當熱時急作冷則鞭以內穀道中以
手急抱欲大便時乃去之疑非仲景意已試甚
良又大豬膽一枚瀉汁和少許法醋以灌穀道
內如一食頃當大便出宿食惡物甚效

辨可下病脉證并治第二十一 合四十四法
方一十一首

陽明病汗多者急下之宜大茈胡湯第一 加大黃八

味一法用小承氣
湯前別有二法

少陰病得之二三日口燥咽乾者急下之宜大

承氣湯第二 四味

少陰病六七日腹滿不大便者急下之宜大承

氣湯第三 用前第二方

少陰病下利清水心下痛口乾者可下之宜大

芫胡大承氣湯第四 大芫胡湯用前第一方
大承氣湯用前第二方

下利三部脉平心下鞭者急下之宜大承氣湯

第五 用前第二方

下利脉遲滑者內實也利未止當下之宜大承

氣湯第六 用前第二方

陽明少陽合病下利脉不負者順也脉滑數者

有宿食當下之宜大承氣湯第七 用前第二方

寸脉浮大反濇尺中微而濇故知有宿食當下

之宜大承氣湯第八用前第
二方

下利不欲食者以有宿食當下之宜大承氣湯

第九用前第
二方

下利差至其年月日時復發者以病不盡當下

之宜大承氣湯第十用前第
二方

病腹中滿痛此為實當下之宜大承氣大芫胡

湯第十一大承氣用前第
二方
大芫胡用前第
一方

下利脉反滑當有所去下乃愈宜大承氣湯第

十二用前第
二方

腹滿不減減不足言當下之宜大芫胡大承氣

湯第十三 大茈胡用前第一方
大承氣用前第二方

傷寒後脉沈沈者內實也下之解宜大茈胡湯

第十四 用前第一方

傷寒六七日目中不了了睛不和無表裏證大

便難身微熱者實也急下之宜大承氣大茈胡

湯第十五 大茈胡用前第一方
大承氣用前第二方

太陽病未解脉陰陽俱停先振慄汗出而解陰

脉微者下之解宜大茈胡湯第十六 用前第一方
一法用

調胃承氣湯

脉雙弦而遲者心下鞕脉大而緊者陽中有陰

也可下之宜大承氣湯第十七

用前第二方

結胃者項亦強如柔瘕狀下之和第十八

結胃門用

大陷
胃丸

病人無表裏證發熱七八日雖脉浮數者可下

之宜大茈胡湯第十九

用前第一方

太陽病表證仍在脉微而沈不結胃發狂少腹

滿小便利下血愈宜下之以抵當湯第二十

四味

太陽病身黃脉沈結少腹鞭小便自利其人如

狂血證諦屬抵當湯證第二十一

用前第二十方

傷寒有熱少腹滿應小便不利今反利為有血

當下之宜抵當丸第二十二 四味

陽明病但頭汗出小便不利身必發黃宜下之

茵陳蒿湯第二十三 三味

陽明證其人喜忘必有畜血大便色黑宜抵當

湯下之第二十四 用前第二十方

汗出讞語以有燥屎過經可下之宜大芤胡大

承氣湯第二十五 大芤胡用前第一方
大承氣用前第二方

病人煩熱汗出如瘡狀日晡發熱脉實者可下

之宜大芤胡大承氣湯第二十六 大芤胡用前
第一方大承

氣用前
第二方

陽明病讖語潮熱不能食胃中有燥屎若能食

但鞭耳屬大承氣湯證第二十七用前第二方

下利讖語者有燥屎也屬小承氣湯第二十八

三味

得病二三日脉弱無太陽此胡證煩躁心下痞

小便利屎定鞭宜大承氣湯第二十九用前第一方

云大此胡湯

太陽中風下利嘔逆表解乃可攻之屬十棗湯

第三十二味

太陽病不解熱結膀胱其人如狂宜桃核承氣

湯第三十二 五味

傷寒七八日身黃如橘子色小便不利腹微滿

者屬茵陳蒿湯證第三十二 用前第二十三方

傷寒發熱汗出不解心中痞鞭嘔吐下利者屬

大芘胡湯證第三十三 用前第一方

傷寒十餘日熱結在裏往來寒熱者屬大芘胡

湯證第三十四 用前第一方

但結胸無大熱水結在胸脅也頭微汗出者屬

大陷胸湯第三十五 三味

傷寒六七日結胸熱實脉沈緊心下痛者屬大

陷胃湯證第三十六

用前第三十五方

陽明病多汗津液外出胃中燥大便必鞭讖語

屬小承氣湯證第三十七

用前第二十八方

陽明病不吐下心煩者屬調胃承氣湯第三十

八 三味

陽明病脉遲雖汗出不惡寒身必重腹滿而喘

有潮熱大便鞭大承氣湯主之若汗出多微發

熱惡寒桂枝湯主之熱不潮腹大滿不通與小

承氣湯三十九

大承氣湯用前第二十八方桂枝湯五

味

陽明病潮熱大便微鞭與大承氣湯若不大便
六七日恐有燥屎與小承氣湯若不轉氣不可
攻之後發熱大便復鞭者宜以小承氣湯和之

第四十

並用前方

陽明病讞語潮熱脉滑疾者屬小承氣湯證第

四十一

用前第二十八方

二陽併病太陽證罷但發潮熱汗出大便難讞

語者下之愈宜大承氣湯第四十二

用前第二方

病人小便不利大便乍難乍易微熱喘冒者屬

大承氣湯證第四十三

用前第二方

大下六七日不大便煩不解腹滿痛者屬大承

氣湯證第四十四用前第二方

大法秋宜下

凡可下者用湯勝丸散中病便止不必盡劑也

陽明病發熱汗多者急下之宜大茈胡湯方一法

用小承氣湯

茈胡 八兩

枳實 四枚

生薑 五兩

黃芩 三兩

芍藥 三兩

大棗 十二枚

半夏 半升

右七味以水一斗二升煮取六升去滓更煎取

三升温服一升日三服一方云加土苦兩若不加恐不成大莖胡湯

少陰病得之二三日口燥咽乾者急下之宜大承

氣湯方二

大黃

四兩酒洗

厚朴

半斤炙去皮

枳實

五枚炙

芒消

三合

右四味以水一斗先煮二物取五升內大黃更煮取二升去滓內芒消更上微火一兩沸分温再服得下餘勿服

少陰病六七日腹滿不大便者急下之宜大承氣

湯三 用前第
二方

少陰病下利清水色純青心下必痛口乾燥者可

下之宜大茈胡大承氣湯四 用前第
二方

下利三部脉皆平按之心下鞭者急下之宜大承

氣湯五 用前第
二方

下利脉遲而滑者內實也利未欲止當下之宜大

承氣湯六 用前第
二方

陽明少陽合病必下利其脉不負者為順也負者

失也互相剋賊名為負也脉滑而數者有宿食當

下之宜大承氣湯七 用前第
二方

問曰人病有宿食何以別之師曰寸口脉浮而大按之反濇尺中亦微而濇故知有宿食當下之宜

大承氣湯八

用前第二方

下利不欲食者以有宿食故也當下之宜大承氣

湯九

用前第二方

下利差至其年月日時復發者以病不盡故也當

下之宜大承氣湯十

用前第二方

病腹中滿痛者此為實也當下之宜大承氣大茈

胡湯十一

用前第二方

下利脉反滑當有所去下乃愈宜大承氣湯十二

用前第
二方

腹滿不減減不足言當下之宜大茈胡大承氣湯

十三 用前第一
第二方

傷寒後脉沈沈者內實也下之解宜大茈胡湯十

四 用前第一
一方

傷寒六七日目中不了了睛不和無表裏證大便

難身微熱者此為實也急下之宜大承氣大茈胡

湯十五 用前第一
第二方

太陽病未解脉陰陽俱停 一作必先振慄汗出而

解但陰脉微 一作尺者下之而解宜大茈胡湯十

六 用前第一方一法
用調胃承氣湯

脉雙弦而遲者必心下鞭脉大而緊者陽中有陰

也可下之宜大承氣湯十七 用前第二方

結胃者項亦強如柔痊狀下之則和十八 結胃門用大陷

九胃

病人無表裏證發熱七八日雖脉浮數者可下之

宜大茈胡湯十九 用前第一方

太陽病六七日表證仍在脉微而沈反不結胃其

人發狂者以熱在下焦少腹當鞭滿而小便自利

者下血乃愈所以然者以太陽隨經瘀熱在裏故

也宜下之以抵當湯方二十

水蛭

三十枚熬

桃人

二十枚去皮尖

蝨蟲

三十枚去翅足熬

大黃

三兩去皮破六片

右四味以水五升煮取三升去滓温服一升不

下者更服

太陽病身黃脉沈結少腹鞭滿小便不利者為無血也小便自利其人如狂者血證諦屬抵當湯證

二十一

用前第
二十方

傷寒有熱少腹滿應小便不利今反利者為有血

抵當丸之宜抵當丸方二十二

大黃 三兩

桃人 二十五箇
去皮尖

蝨蟲 去翅
足熬

水蛭 各二十
箇熬

右四味擣篩為四丸以水一升煮一九取七合服之晬時當下血若不下者更服

陽明病發熱汗出者此為熱越不能發黃也但頭汗出身無汗劑頸而還小便不利渴引水漿者以瘀熱在裏身必發黃宜下之以茵陳蒿湯方二十三

茵陳蒿 六兩

梔子 十四
箇擘

大黃 二兩
破

右三味以水一斗二升先煮茵陳減六升內二

味煮取三升去滓分溫三服小便當利尿如阜
莢汁狀色正赤一宿腹減黃從小便去也

陽明證其人喜忘者必有畜血所以然者本有久
瘀血故令喜忘屎雖鞭大便反易其色必黑宜抵
當湯下之二十四

用前第
二十方

汗

一作
臥

出讖語者以有燥屎在胃中此為風也須

下者過經乃可下之下之若早者語言必亂以表
虛裏實故也下之愈宜大茈胡大承氣湯二十五

用前第
一第
二方

病人煩熱汗出則解又如瘧狀日晡所發熱者屬

陽明也脉實者可下之宜大茈胡大承氣湯二十

六用前第一
第二方

陽明病讞語有潮熱反不能食者胃中有燥屎五
六枚也若能食者但鞞耳屬大承氣湯證二十七

用前第一
第二方

下利讞語者有燥屎也屬小承氣湯方二十八

大黃四兩

厚朴二兩炙
去皮

枳實三枚
炙

右三味以水四升煮取一升二合去滓分温再

服若更衣者勿服之

得病二三日脉弱無太陽茈胡證煩躁心下痞至

四五日雖能食以承氣湯少少與微和之令小安
至六日與承氣湯一升若不大便六七日小便少
者雖不大便但初頭鞭後必澹此未定成鞭也攻
之必澹須小便利屎定鞭乃可攻之宜大承氣湯
二十九 用前第二方一
云大茈胡湯
太陽病中風下利嘔逆表解者乃可攻之其人熱
熱汗出發作有時頭痛心下痞鞭滿引脅下痛乾
嘔則短氣汗出不惡寒者此表解裏未和也屬十
棗湯方三十

芫花 熬赤

甘遂

大戟 各等分

右三味各異擣篩科已合治之以水一升半煮
大肥棗十枚取八合去棗內藥末強人服重一
錢匕羸人半錢溫服之平旦服若下少病不除
者明日更服加半錢得快下利後糜粥自養

太陽病不解熱結膀胱其人如狂血自下下者愈
其外未解者尚未可攻當先解其外外解已但少
腹急結者乃可攻之宜桃核承氣湯方三十一

桃人

五十枚
去皮尖

大黃

四兩

甘草

二兩
炙

芒消

二兩

桂枝

二兩
去皮

右五味以水七升煮四物取二升半去滓內芒

消更上火煎微沸先食温服五合日三服當微

利

傷寒七八日身黃如橘子色小便不利腹微滿者

屬茵陳蒿湯證三十二

用前第二十三方

傷寒發熱汗出不解心中痞鞭嘔吐而下利者屬

大芫胡湯證三十三

用前第一方

傷寒十餘日熱結在裏復往來寒熱者屬大芫胡

湯證三十四

用前第一方

但結胸無大熱者以水結在胸脅也但頭微汗出

者屬大陷胸湯方三十五

大黃 六兩

芒消 一升

甘遂末 一錢

右三味以水六升先煮大黃取二升去滓內芒消更煮一二沸內甘遂末溫服一升

傷寒六七日結胸熱實脉沈而緊心下痛按之石

鞭者屬大陷胃湯證三十六 用前第三十五方

陽明病其人多汗以津液外出胃中燥大便必鞭

鞭則譫語屬小承氣湯證三十七 用前第二十八方

陽明病不吐不下心煩者屬調胃承氣湯方三十

八

大黃 四兩 酒洗

甘草 二兩 炙

芒消 半升

右三味以水三升煮取一升去滓內芒消更上火微煮令沸溫頓服之

陽明病脉遲雖汗出不惡寒者其身必重短氣腹滿而喘有潮熱者此外欲解可攻裏也手足濇然汗出者此大便已鞕也大承氣湯主之若汗出多微發熱惡寒者外未解也桂枝湯主之其熱不潮未可與承氣湯若腹大滿不通者與小承氣湯微和胃氣勿令至大泄下三十九

大承氣湯用前第二方小承氣用前

第二十八方

桂枝湯方

桂枝 去皮

芍藥

生薑 切各三兩

甘草 二兩

大棗 十二枚

右五味以水七升煮取三升去滓温服一升服

湯後飲熱稀粥一升餘以助藥力取微似汗

陽明病潮熱大便微鞕者可與大承氣湯不鞕者不可與之若不大便六七日恐有燥屎欲知之法少與小承氣湯湯入腹中轉失氣者此有燥屎也乃可攻之若不轉失氣者此但初頭鞕後必澹不可攻之攻之必脹滿不能食也欲飲水者與水則噦其後發熱者大便必復鞕而少也宜以小承氣

湯和之不轉失氣者慎不可攻也四十並用前方

陽明病譫語發潮熱脉滑而疾者小承氣湯主之
因與承氣湯一升腹中轉氣者更服一升若不轉
氣者勿更與之明日又不大便脉反微濇者裏虛
也為難治不可更與承氣湯四十一用前方第二十八方

二陽併病太陽證罷但發潮熱手足熱汗出大
便難而譫語者下之則愈宜大承氣湯四十二用前方

第二方

病人小便不利大便乍難乍易時有微熱喘冒不
能臥者有燥屎也屬大承氣湯證四十三用前方第二方

大下後六七日不大便煩不解腹滿痛者此有燥屎也所以然者本有宿食故也屬大承氣湯證四

十四

用前第二方

傷寒論卷第九

言ナ

三三

傷寒論卷第十

漢 張仲景述 晉 王叔和撰次

辨發汗吐下後病脉證并治第二十二合四

法方三十九首

太陽病八九日如瘧狀熱多寒少不嘔清便脉微而惡寒者不可更發汗吐下也以其不得小汗身必痒屬桂枝麻黃各半湯第一

七味前有二十二病

證

服桂枝湯或下之仍頭項強痛發熱無汗心下滿痛小便不利屬桂枝去桂加茯苓白朮湯第

二六味

太陽病發汗不解而下之脉浮者爲在外宜桂

枝湯第三 五味

下之後復發汗晝日煩躁夜安靜不嘔不渴無

表證脉沈微者屬乾薑附子湯第四 二味

傷寒若吐下後心下逆滿氣上衝胃起則頭眩

脉沈緊發汗則身爲振搖者屬茯苓桂枝白朮

甘草湯第五 四味

發汗若下之病不解煩躁者屬茯苓四逆湯第

六 五味

發汗吐下後虛煩不眠若劇者反覆顛倒心中
懊懣屬梔子豉湯少氣者梔子甘草豉湯嘔者
梔子生薑豉湯第七梔子豉湯二味梔子甘草豉湯梔子生薑豉湯並三味

發汗下之而煩熱胷中窒者屬梔子豉湯證第

八用上初方

太陽病過經十餘日心下欲吐胷中痛大便澹
腹滿微煩先此時極吐下者與調胃承氣湯第

九三味

太陽病重發汗復下之不大便五六日舌上燥

而渴日晡潮熱心腹鞭滿痛不可近者屬大陷

胃湯第十

三味

傷寒五六日發汗復下之胃脅滿微結小便不利渴而不嘔頭汗出寒熱心煩者屬芫胡桂枝

乾薑湯第十一

七味

傷寒發汗吐下解後心下痞鞭噫氣不除者屬

旋復代赭湯第十二

七味

傷寒下之復發汗心下痞惡寒表未解也表解乃可攻痞解表宜桂枝湯攻痞宜大黃黃連瀉

心湯第十三

桂枝湯用前第三方
大黃瀉心湯二味

傷寒吐下後七八日不解熱結在裏表裏俱熱
惡風大渴舌上燥而煩欲飲水數升者屬白虎
加人參湯第十四 五味

傷寒吐下後不解不大便至十餘日日晡發潮
熱不惡寒如見鬼狀劇者不識人循衣摸床惕
而不安微喘直視發熱譫語者屬大承氣湯第
十五 四味

三陽合病腹滿身重口不仁面垢譫語遺尿發
汗則譫語下之則額上汗手足逆冷自汗出者
屬白虎湯第十六 四味

陽明病脉浮緊咽燥口苦腹滿而喘發熱汗出
反惡熱身重若發汗則譏語加溫針必怵惕煩
躁不眠若下之則心中懊懷舌上胎者屬梔子

豉湯證第十七

用前第七方

陽明病下之心中懊懷而煩胃中有燥屎可攻

宜大承氣湯第十八

用前第十五方

太陽病吐下發汗後微煩小便數大便鞭者與

小承氣湯和之第十九

三味

大汗大下而厥者屬四逆湯第二十

三味

太陽病下之氣上衝者與桂枝湯第二十一

用前

第三方

太陽病下之後脉促曾滿者屬桂枝去芍藥湯

第二十二

四味

若微寒者屬桂枝去芍藥加附子湯第二十三

五味

太陽桂枝證反下之利不止脉促喘而汗出者

屬葛根黃芩黃連湯第二十四

四味

太陽病下之微喘者表未解也屬桂枝加厚朴

杏子湯第二十五

七味

傷寒不大便六七日頭痛有熱者與承氣湯小

便清者一云大便青

知不在裏當發汗宜桂枝湯第

二十六

用前第三方

傷寒五六日下之後身熱不去心中結痛者屬

梔子豉湯證第二十七

用前第七方

傷寒下後心煩腹滿臥起不安屬梔子厚朴湯

第二十八

三味

傷寒以丸藥下之身熱不去微煩者屬梔子乾

薑湯第二十九

二味

傷寒下之續得下利不止身疼痛急當救裏後

身疼痛清便自調者急當救表救裏宜四逆湯

救表宜桂枝湯第三十

並用前方

太陽病過經十餘日二三下之芫胡證仍在與

小芫胡嘔止小安鬱鬱微煩者可與大芫胡湯

第三十一

八味

傷寒十三日不解曾脅滿而嘔日晡發潮熱微

利潮熱者實也先服小芫胡湯以解外後以芫

胡加芒消湯主之第三十二

八味

傷寒十三日過經讖語有熱也若小便利當大

便鞭而反利者知以丸藥下之也脉和者內實

也屬調胃承氣湯證第三十三

用前方第九

傷寒八九日下之胃滿煩驚小便不利讖語身
重不可轉側者屬芫胡加龍骨牡蠣湯第三十

四味
十二

火逆下之因燒針煩躁者屬桂枝甘草龍骨牡

蠣湯第三十五
四味

太陽病脉浮而動數頭痛發熱盜汗惡寒反下
之膈內拒痛短氣躁煩心中懊憹心下因鞞則

爲結胃屬大陷胃湯證第三十六
用前第十方

傷寒五六日嘔而發熱者小芫胡湯證具以他
藥下之芫胡證仍在者復與芫胡湯必蒸蒸而

振却發熱汗出而解若心滿而鞭痛者此為結
胃大陷胃湯主之但滿而不痛者為痞屬半夏
瀉心湯第三十七 七味

本以下之故心下痞其人渴而口燥煩小便不
利者屬五苓散第三十八 五味

傷寒中風下之其人下利日數十行腹中雷鳴
心下痞鞭乾嘔心煩復下之其痞益甚屬甘草
瀉心湯第三十九 六味

傷寒服藥下利不止心下痞鞭復下之利不止
與理中利益甚屬赤石脂禹餘糧湯第四十 二味

太陽病外證未除數下之遂協熱而利利不止
心下痞鞭表裏不解屬桂枝人參湯第四十一
五味

下後不可更行桂枝湯汗出而喘無大熱者屬

麻黃杏子甘草石膏湯第四十二

四味

陽明病下之外有熱手足溫心中懊懷飢不能

食但頭汗出屬梔子豉湯證第四十三

用前第七方

傷寒吐後腹脹滿者屬調胃承氣湯證第四十

四

用前第九方

病人無表裏證發熱七八日脉雖浮數可下之

假令已下脉數不解不大便者有瘀血屬抵當

湯第四十五 四味

本太陽病反下之腹滿痛屬太陰也屬桂枝加

芍藥湯第四十六 五味

傷寒六七日大下寸脉沈而遲手足厥下部脉

不至喉咽不利唾膿血者屬麻黃升麻湯第四

十七 十四味

傷寒本自寒下復吐下之食入口即吐屬乾薑

黃芩黃連人參湯第四十八 四味

師曰病人脉微而瀋者此為醫所病也大發其汗

又數大下之其人亡血病當惡寒後乃發熱無休
止時夏月盛熱欲著複衣冬月盛寒欲裸其身所
以然者陽微則惡寒陰弱則發熱此醫發其汗使
陽氣微又大下之令陰氣弱五月之時陽氣在表
胃中虛冷以陽氣內微不能勝冷故欲著複衣十
一月之時陽氣在裏胃中煩熱以陰氣內弱不能
勝熱故欲裸其身又陰脉遲澹故知亡血也

寸口脉浮大而醫反下之此爲大逆浮則無血大
則爲寒寒氣相搏則爲腸鳴醫乃不知而反飲冷
水令汗大出水得寒氣冷必相搏其人則餒

太陽病三日已發汗若吐若下若溫針仍不解者
此爲壞病桂枝不中與之也觀其脉證知犯何逆
隨證治之

脉浮數者法當汗出而愈若下之身重心悸者不
可發汗當自汗出乃解所以然者尺中脉微此裏
虛須表裏實津液和便自汗出愈

凡病若發汗若吐若下若亡血無津液陰陽脉自
和者必自愈

大下之後復發汗小便不利者亡津液故也勿治
之得小便利必自愈

下之後復發汗必振寒脉微細所以然者以內外俱虛故也

本發汗而復下之此爲逆也若先發汗治不爲逆本先下之而反汗之爲逆若先下之治不爲逆

太陽病先下而不愈因復發汗以此表裏俱虛其人因致冒冒家汗出自愈所以然者汗出表和故也得表和然後復下之

得病六七日脉遲浮弱惡風寒手足溫醫二三下之不能食而脅下滿痛面目及身黃頸項強小便難者與芫胡湯後必下重本渴飲水而嘔者芫胡

不中與也食穀者噦

太陽病二三日不能臥但欲起心下必結脉微弱者此本有寒分也反下之若利止必作結胃未止者四日復下之此作協熱利也

太陽病下之其脉促

縱一作

不結胃者此爲欲解也

脉浮者必結胃脉緊者必咽痛脉弦者必兩脅拘急脉細數者頭痛未止脉沈緊者必欲嘔脉沈滑者協熱利脉浮滑者必下血

太陽少陽併病而反下之成結胃心下鞞下利不止水漿不下其人心煩

脉浮而緊而復下之緊反入裏則作痞按之自濡
但氣痞耳

傷寒吐下發汗後虛煩脉甚微八九日心下痞鞭
脅下痛氣上衝咽喉眩冒經脉動惕者久而成痿
陽明病能食下之不解者其人不能食若攻其熱
必噦所以然者胃中虛冷故也以其人本虛攻其
熱必噦

陽明病脉遲食難用飽飽則發煩頭眩必小便難
此欲作穀瘕雖下之腹滿如故所以然者脉遲故
也

夫病陽多者熱下之則鞭汗多極發其汗亦鞭
太陽病寸緩關浮尺弱其人發熱汗出復惡寒不
嘔但心下痞者此以醫下之也

太陰之爲病腹滿而吐食不下自利益甚時腹自
痛若下之必胃下結鞭

傷寒大吐大下之極虛復極汗者其人外氣怫鬱
復與之水以發其汗因得噦所以然者胃中寒冷
故也

吐利發汗後脈平小煩者以新虛不勝穀氣故也
太陽病醫發汗遂發熱惡寒因復下之心下痞表

裏俱虛陰陽氣並竭無陽則陰獨復加燒針因曾
煩面色青黃膚暍者難治今色微黃手足溫者易
愈

太陽病得之八九日如瘧狀發熱惡寒熱多寒少
其人不嘔清便欲自可一日二三度發脉微緩者
爲欲愈也脉微而惡寒者此陰陽俱虛不可更發
汗更下更吐也面色反有熱色者未欲解也以其
不能得小汗出身必痒屬桂枝麻黃各半湯方一

桂枝 一兩十
六銖

芍藥 一兩

生薑 一兩
切

甘草 一兩
炙

麻黃 一兩
去節

大棗 四枚
擘

杏人

二十四箇湯浸去皮尖及兩人者

右七味以水五升先煮麻黃一二沸去上沫內

諸藥煮取一升八合去滓溫服六合本云桂枝

湯三合麻黃湯三合併為六合頓服

服桂枝湯或下之仍頭項強痛翕翕發熱無汗心下滿微痛小便不利者屬桂枝去桂加茯苓白朮

湯方二

芍藥

三兩

甘草

二兩

生薑

三兩

白朮

三兩

茯苓

三兩

大棗

十二枚擘

右六味以水八升煮取三升去滓溫服一升小

便利則愈本云桂枝湯今去桂枝加茯苓白朮
太陽病先發汗不解而下之脉浮者不愈浮為在
外而反下之故今不愈今脉浮故在外當須解外
則愈宜桂枝湯方三

桂枝

三兩
去皮

芍藥

三兩

生薑

三兩
切

甘草

二兩
炙

大棗

十二
枚擘

右五味以水七升煮取三升去滓溫服一升須

臈啜熱稀粥一升以助藥力取汗

下之後復發汗晝日煩躁不得眠夜而安靜不嘔
不渴無表證脉沈微身無大熱者屬乾薑附子湯

方四

乾薑 一兩

附子 一枚生用去皮破八片

右二味以水三升煮取一升去滓頓服

傷寒若吐若下後心下逆滿氣上衝胃起則頭眩
脉沈緊發汗則動經身為振振搖者屬茯苓桂枝
白朮甘草湯方五

茯苓 四兩

桂枝 三兩去皮

白朮 二兩

甘草 二兩炙

右四味以水六升煮取三升去滓分溫三服

發汗若下之後病仍不解煩躁者屬茯苓四逆湯

方六

茯苓 四兩

人參 一兩

附子 一枚生用去皮破八片

甘草 二兩

乾薑 一兩

右五味以水五升煮取二升去滓温服七合日

三服

發汗吐下後虛煩不得眠若劇者必反覆顛倒心中懊懷屬梔子豉湯若少氣者梔子甘草豉湯若嘔者梔子生薑豉湯七

肥梔子

十四枚擘

香豉

四合綿裹

右二味以水四升先煮梔子得二升半內豉煮取一升半去滓分為二服温進一服得吐者止

後服

梔子甘草豉湯方

肥梔子

十四箇擘

甘草

二兩炙

香豉

四合綿裹

右三味以水四升先煮二味取二升半內豉煮取一升半去滓分二服溫進一服得吐者止後服

梔子生薑豉湯方

肥梔子

十四箇擘

生薑

五兩切

香豉

四合綿裹

右三味以水四升先煮二味取二升半內豉煮取一升半去滓分二服溫進一服得吐者止後服

服

發汗若下之而煩熱胃中窒者屬梔子豉湯證入

用前
初方

太陽病過經十餘日心下溫溫欲吐而胃中痛大
便反澹腹微滿鬱鬱微煩先此時極吐下者與調
胃承氣湯若不爾者不可與但欲嘔胃中痛微澹
者此非芫胡湯證以嘔故知極吐下也調胃承氣
湯方九

大黃

四兩
酒洗

甘草

二兩
炙

芒消

半升

右三味以水三升煮取一升去滓內芒消更上

火令沸頓服之

太陽病重發汗而復下之不大便五六日舌上燥

而渴日晡所小有潮熱

一云日晡所發心胃大煩

從心下至少

腹鞭滿而痛不可近者屬大陷胃湯方十

大黃

六兩去皮酒洗

芒消

一升

甘遂末

一錢七

右三味以水六升煮大黃取二升去滓內芒消
煮兩沸內甘遂末溫服一升得快利止後服

傷寒五六日已發汗而復下之胃脅滿微結小便
不利渴而不嘔但頭汗出往來寒熱心煩者此為
未解也屬芤胡桂枝乾薑湯方十一

茈胡 半斤

桂枝 三兩 去皮

乾薑 二兩

栝樓根 四兩

黃芩 三兩

甘草 二兩 炙

牡蠣 二兩 熬

右七味以水一斗二升煮取六升去滓再煎取三升温服一升日三服初服微煩後汗出便愈傷寒發汗若吐若下解後心下痞鞭噫氣不除者屬旋復代赭湯方十二

旋復花 三兩

人參 二兩

生薑 五兩

代赭 一兩

甘草 三兩 炙

半夏 半升 洗

大棗 十二枚 擘

右七味以水一斗煮取六升去滓再煎取三升
溫服一升日三服

傷寒大下之復發汗心下痞惡寒者表未解也不
可攻痞當先解表表解乃攻痞解表宜桂枝湯用
前方攻痞宜大黃黃連瀉心湯方十三

大黃

二兩
酒洗

黃連

一兩

右二味以麻沸湯二升漬之須臾絞去滓分溫

再服

有黃芩見
第四卷中

傷寒若吐下後七八日不解熱結在裏表裏俱熱
時時惡風大渴舌上乾燥而煩欲飲水數升者屬

白虎加人參湯方十四

知母 六兩

石膏 一斤

甘草 二兩

粳米 六合

人參 三兩

右五味以水一斗煮米熟湯成去滓温服一升

日三服

傷寒若吐若下後不解不大便五六日上至十餘

日日晡所發潮熱不惡寒獨語如見鬼狀若劇者

發則不識人循衣摸牀惕而撮一云順衣妄不安

喘直視脉弦者生濇者死微者但發熱讞語者屬

大承氣湯方十五

大黃四兩去皮酒洗

厚朴半斤炙

枳實五枚炙

芒消三合

右四味以水一斗先煮二味取五升內大黃煮取二升去滓內芒消更煮令一沸分溫再服得利者止後服

三陽合病腹滿身重難以轉側口不仁面垢又作枯一

云向經

讞語遺尿發汗則讞語下之則額上生汗若手足

逆冷自汗出者屬白虎湯十六

知母六兩

石膏一斤碎

甘草二兩炙

粳米 六合

右四味以水一斗煮米熟湯成去滓溫服一升
日三服

陽明病脈浮而緊咽燥口苦腹滿而喘發熱汗出
不惡寒反惡熱身重若發汗則躁心憤憤而反譫
語若加溫針必怵惕煩躁不得眠若下之則胃中
空虛客氣動膈心中懊懣舌上胎者屬梔子豉湯

證十七 用前第七方

陽明病下之心中懊懣而煩胃中有燥屎者可攻
腹微滿初頭鞭後必澹不可攻之若有燥屎者宜

大承氣湯第十八 用前第十五方

太陽病若吐若下若發汗後微煩小便數大便因
鞭者與小承氣湯和之愈方十九

大黃 四兩 酒洗

厚朴 二兩 炙

枳實 三枚 炙

右三味以水四升煮取一升二合去滓分温二

服

大汗若大下而厥冷者屬四逆湯方二十

甘草 二兩 炙

乾薑 一兩 半

附子 一枚 生用 去皮破八片

右三味以水三升煮取一升二合去滓分温再

服強人可大附子一枚乾薑四兩

太陽病下之後其氣上衝者可與桂枝湯若不上

衝者不得與之二十一用前第三方

太陽病下之後脉促胃滿者屬桂枝去芍藥湯方

二十二促一作縱

桂枝三兩去皮 甘草二兩炙

生薑三兩

大棗十二枚擘

右四味以水七升煮取三升去滓温服一升本

云桂枝湯今去芍藥

若微寒者屬桂枝去芍藥加附子湯方二十三

桂枝三兩去皮 甘草二兩炙

生薑三兩切

大棗十二枚擘

附子一枚炮

右五味以水七升煮取三升去滓温服一升本云桂枝湯今去芍藥加附子

太陽病桂枝證醫反下之利遂不止脉促者表未解也喘而汗出者屬葛根黃芩黃連湯方二十四

促一作縱

葛根半斤

甘草二兩炙

黃芩三兩

黃連三兩

右四味以水八升先煮葛根減二升內諸藥煮取二升去滓温分再服

太陽病下之微喘者表未解故也屬桂枝加厚朴

杏子湯方二十五

桂枝三兩 去皮

芍藥三兩

生薑三兩 切

甘草二兩 炙

厚朴二兩 炙 去皮

大棗十二枚 擘

杏人五十箇 去皮尖

右七味以水七升煮取三升去滓温服一升

傷寒不大便六七日頭痛有熱者與承氣湯其小

便清者一云大便青知不在裏仍在表也當須發汗若

頭痛者必衄宜桂枝湯二十六用前第 三方

傷寒五六日大下之後身熱不去心中結痛者未

欲解也屬梔子豉湯證二十七用前第七方

傷寒下後心煩腹滿臥起不安者屬梔子厚朴湯

方二十八

梔子

十四枚擘

厚朴

四兩炙

枳實

四箇水浸炙令赤

右三味以水三升半煮取一升半去滓分二服

溫進一服得吐者止後服

傷寒醫以丸藥大下之身熱不去微煩者屬梔子

乾薑湯方二十九

梔子

十四箇擘

乾薑

二兩

右二味以水三升半煮取一升半去滓分二服

一服得吐者止後服

凡用梔子湯病人舊微溏者不可與服之

傷寒醫下之續得下利清穀不止身疼痛者急當救裏後身疼痛清便自調者急當救表救裏宜四

逆湯救表宜桂枝湯三十

並用前方

太陽病過經十餘日反二三下之後四五日芤胡

證仍在者先與小芤胡嘔不止心下急一云嘔止小安鬱

鬱微煩者爲未解也可與大芤胡湯下之則愈方

三十一

芤胡 半斤

黃芩 三兩

芍藥 三兩

半夏半升

生薑五兩

枳實四枚

大棗十二枚

右七味以水一斗二升煮取六升去滓再煎取

三升温服一升日三服一方加大黃二兩若不

加恐不為大茈胡湯

傷寒十三日不解胃脅滿而嘔日晡所發潮熱已而微利此本茈胡下之不得利今反利者知醫以丸藥下之此非其治也潮熱者實也先服小茈胡湯以解外後以茈胡加芒消湯主之方三十二

茈胡二兩十

黃芩一兩

人參一兩

甘草 一兩 炙

生薑 一兩

半夏 二十銖 舊云五枚洗

大棗 四枚 擘

芒消 二兩

右八味以水四升煮取二升去滓內芒消更煮

微沸温分再服不解更作

傷寒十三日過經讖語者以有熱也當以湯下之

若小便利者大便當鞭而反下利脉調和者知醫

以丸藥下之非其治也若自下利者脉當微厥今

反和者此為內實也屬調胃承氣湯證三十三前用

第九方

傷寒八九日下之胃滿煩驚小便不利讖語一身

盡重不可轉側者屬茈胡加龍骨牡蠣湯方三十

四

茈胡 四兩

龍骨 一兩

黃芩 一兩

生薑 一兩

鈆丹 一兩

人參 一兩

桂枝 一兩半

茯苓 一兩

半夏 二合

大黃 二兩

牡蠣 一兩

大棗 六枚

右十二味以水八升煮取四升內大黃切如碁子更煮一兩沸去滓溫服一升本云茈胡湯今

加龍骨等

火逆下之因燒針煩躁者屬桂枝甘草龍骨牡蠣

湯方三十五

桂枝

一兩
去皮

甘草

二兩
炙

龍骨

二兩

牡蠣

二兩
熬

右四味以水五升煮取二升半去滓温服八合

日三服

太陽病脉浮而動數浮則為風數則為熱動則為

痛數則為虛頭痛發熱微盜汗出而反惡寒者表

未解也醫反下之動數變遲膈内拒痛

一云頭
痛即眩

胃

中空虛客氣動膈短氣躁煩心中懊懷陽氣内陷

心下因鞭則為結曾屬大陷曾湯證若不結曾但

頭汗出餘處無汗劑頸而還小便不利身必發黃

三十六 用前第十方

傷寒五六日嘔而發熱者芫胡湯證具而以他藥下之芫胡證仍在者復與芫胡湯此雖已下之不為逆必蒸蒸而振却發熱汗出而解若心下滿而鞭痛者此為結胃也大陷胃湯主之用前方但滿而不痛者此為痞芫胡不中與之屬半夏瀉心湯方三十七

半夏 半升 洗

黃芩 三兩

乾薑 三兩

人參 三兩

甘草 三兩 炙

黃連 一兩

大棗 十二枚擘

右七味以水一斗煮取六升去滓再煎取三升

温服一升日三服

本以下之故心下痞與瀉心湯痞不解其人渴而

口燥煩小便不利者屬五苓散方三十八 一方云忍之一

日乃愈

豬苓 十八銖去黑皮

白朮 十八銖

茯苓 十八銖

澤瀉 一兩六銖

桂心 半兩去皮

右五味為散白飲和服方寸匕日三服多飲煖

水汗出愈

傷寒中風醫反下之其人下利日數一行穀不化
腹中雷鳴心下痞鞭而滿乾嘔心煩不得安醫見
心下痞謂病不盡復下之其痞益甚此非結熱但
以胃中虛客氣上逆故使鞭也屬甘草瀉心湯方
三十九

甘草 四兩 炙

黃芩 三兩

乾薑 三兩

半夏 半升 洗

大棗 十二枚 擘

黃連 一兩

右六味以水一斗煮取六升去滓再煎取三升

溫服一升日三服 有人參見 第四卷中

傷寒服湯藥下利不止心下痞鞭服瀉心湯已復

以他藥下之利不止醫以理中與之利益甚理中
理中焦此利在下焦屬赤石脂禹餘糧湯復不止
者當利其小便方四十

赤石脂

碎一斤

太一禹餘糧

碎一斤

右二味以水六升煮取二升去滓分溫三服

一 太陽病外證未除而數下之遂協熱而利利下不
止心下痞鞭表裏不解者屬桂枝人參湯方四十

桂枝

四兩別切去皮

甘草

四兩炙

白朮

三兩

人參

三兩

乾薑

三兩

右五味以水九升先煮四味取五升內桂更煮
取三升去滓溫服一升日再夜一服

下後不可更行桂枝湯汗出而喘無大熱者屬麻

黃杏子甘草石膏湯方四十二

麻黃四兩
去節

杏人五十箇
去皮尖

甘草二兩
炙

石膏半斤
碎

右四味以水七升先煮麻黃減二升去上沫內
諸藥煮取三升去滓溫服一升本云黃耳杯

陽明病下之其外有熱手足溫不結胃心中懊懣
飢不能食但頭汗出者屬梔子豉湯證四十三前用

第七
初方

傷寒吐後腹脹滿者屬調胃承氣湯證四十四前用

第九
方

病人無表裏證發熱七八日脉雖浮數者可下之
假令已下脉數不解今熱則消穀喜飢至六七日
不大便者有瘀血屬抵當湯方四十五

大黃

三兩
酒洗

桃人

二十枚
去皮尖

水蛭

三十
枚熬

蝨蟲

去翅足三
十枚熬

右四味以水五升煮取三升去滓温服一升不

下更服

本太陽病醫反下之因爾腹滿時痛者屬太陰也
屬桂枝加芍藥湯方四十六

桂枝三兩
去皮

芍藥六兩

甘草二兩
炙

大棗十二
枚擘

生薑三兩
切

右五味以水七升煮取三升去滓分温三服本

云桂枝湯今加芍藥

傷寒六七日大下寸脉沈而遲手足厥逆下部脉
不至喉咽不利唾膿血瀉利不止者為難治屬麻
黃升麻湯方四十七

麻黃二兩半
去節

升麻一兩
六銖

當歸一兩
六銖

知母十八銖

黃芩十八銖

姜蕤十八銖
一作昌蒲

芍藥六銖

天門冬六銖
去心

桂枝六銖
去皮

茯苓六銖

甘草六銖
炙

石膏六銖
綿裹碎

白朮六銖

乾薑六銖

右十四味以水一斗先煮麻黃一兩沸去上沫
內諸藥煮取三升去滓分溫三服相去如炊三
斗米頃令盡汗出愈

傷寒本自寒下醫復吐下之寒格更逆吐下若食
入口即吐屬乾薑黃芩黃連人參湯方四十八

乾薑

黃芩

黃連

人參各三兩

右四味以水六升煮取二升去滓分温再服

傷寒論卷第十